

重陽全真集卷之三

枝三

重陽全真集卷之三

枝三

終南山重陽子王嘉撰

詞

黃鸞兒

堪嗟浮世如何度酒色纏綿財氣沈埋人人  
都緣四般留住因上上起榮華節節生迷誤  
總誇伶俐惺惺各鬪機關皆結貪妬今古  
幾箇便回頭肯與神為主任從猿馬每每調  
和無由得知宗祖唯轉轉入枯崖越越投深  
土大限直待臨頭難免三涂苦

心中真性修行主鍛鍊金丹津液交流澆淋  
無根有苗瓊樹常灌溉潤瑤枝密葉黃鸝語  
瑩靈聲韻明眸正覩嬰兒光方騎虎堪訴  
姹女跨青龍四箇同歸去本元初得靜裏還  
輝迴光使胎仙舞應出上現崑崙得復蓬萊  
處我不妄想雲霞鸞鶴天然與

花心動

枝三

緊鎖心猿悟光陰塵凡百年過速下手頓修  
元本真靈此日要除骸屋居家坑塹先須跳  
將身已便令孤宿靜无觸氣財色酒一齊墮

逐俗景般般絕欲要捨盡爺娘共妻骨肉自  
在逍遙落魄清閑認取裏頭金玉瓊英瑤藥  
花心動放香味滿空馥郁異光簇祥輝結成  
九曲

玉堂春

得得修行能令捷徑走子午俱無何須卯酉  
只用兩珍於余堪厮守鉛汞從教結作毬  
恁則成丹般般盡總透擺正真風名傳不朽  
搜出元初那箇為的友到此方知是徹頭

又鎖門

玉性金真人人皆可化玉液金丹頻頻迎迓  
玉兔金烏光光相次亞照玉欄干種玉芽  
瓊蕊金莖長長生不謝玉女金童常常看舍  
玉鎖金匙門門開闢下賞玉堂春對玉花  
有箇王風時時頻睡卧無夢無眠無災無禍  
抄三  
白虎青龍自然交媾過水火相逢上下和  
這箇因緣元來真打坐試問諸公應還會麼  
似我修待交君得功課不在勞形苦已多

驀山溪贈文登縣駱守清

守清守淨各各開明性兩兩做修持你箇箇

心頭修省虛虛實實裏面取炎涼尋自在覓  
逍遙漸漸歸禪定 教言教令一一須當聽  
急急上高坡便穩穩尋他捷徑玄玄妙妙子  
細認天衢行得正立來端步步蓮花並

又于公索神龜詞

洪波浩浪澄湛源流遂此處隱神龜敢吸盡  
西江大水任眠任睡喘息幾曾聞能服氣會  
吞霞自在長遊戲 異光殊彩迸出真祥瑞  
火焰正炎炎便走在當中取利任燒任烙旋  
旋聚清涼能曳尾會搖頭獨上白蓮蕊

又歎驢兒

驢驢模樣醜惡形容最長耳背偏大更四隻  
脚兒輕快肌膚麤儻佻佻處不能留挨車買更  
馱騎拽徧家家磴任鞭任打肉爛皮毛壞  
問你為何因緣箇甚於斯受罪忽然垂淚下  
語向余言為前忒蹺蹊欠負欺瞞債

技三

三

換骨骸歎脫禍不改過

昨遇饑年為甚累增勸教怎奈向人人忒惱  
越貪心生狠妬百端姦巧計較騁風流賣俏  
也兀底忽爾臨頭却被閻王來到問罪過

諱無談矯當時間令小鬼將業鏡前照失屎  
和骨骸軟了也兀底

勿慕清閑長年間便登道岸上高坡細搜修  
鍛遇明師授祕訣分開片段堪讚真性靈燦  
燦也兀底 功行雙全占逍遙出塵看翫觀

長天化成仙觀向雲中有一箇青童來叫喚  
風漢凡骨骸換換也兀底

又歎貪婪

嘆彼人生百歲七旬已罕皆不悟光陰似箭  
每日家只造惡何曾作善難勸酒色財氣戀



也兀底 福謝身危忽爾年齡限滿差小鬼  
便來追喚當時間領拽到閻王前面憨漢和  
骨骰軟軟也兀底

又贈道友王十四郎

一斬紅崖按闊狹方能及丈橫梁架細如稭  
杖在中間誰做下柴窩圓樣被拉浪裏面把  
龜兒放也兀底 擬欲前行恐失脚怎生敢  
向退後來全無抵當謾搖頭空擺尾萬般惆  
悵轉悒快和殼兒軟脹也兀底

黃鸞兒

思筭思筭四假凡軀千甚厮翫元來是走骨  
行屍更誇張體段 明靈慧性真燦爛這骨  
骰須換害風子不藉人身與神仙結伴

又鎖門

且住且住十月小春當宜鎖戶一百日鍊就

枝三

重陽也並無作做 渾身要顯唯真素掛靈

四

明紙布信任他走玉飛金自恬然不顧

又韓公索歎世

且聽且聽汨汨塵勞如何得醒女男是玉杵  
金枷把身軀縛定 百年韶景風燈影怎留

他光瑩早悟斯疾速修行永完全性命  
玉性玉性玉鎖緊嚴金關牢釘玉房深百日  
清清玉輝光一併 玉匙開闢通仙逕玉門  
中傳令玉童來便許全真玉皇宣已定

玉女搖仙佩

終南一遇醴邑相逢兩次凡心蒙滌便話修  
持重談調攝莫使暗魔偷適養氣全神寂稟  
逍遙自在閑閑遊歷覽清淨常行穴迪應用  
刀圭節要開劈三田會明靈結作般般光輝  
是勳 先向天涯海畔訪友尋朋得箇知音

成間直待恁時將相同步處處嬉嬉尋覓暗  
裏矍矍檄覷你為作如何鋒鏑會舉箭張弓  
對敵百邪千魅戰迴純皙無愁感方堪教可  
傳端的

御街行

枝三

五

玉芝一味通賢聖這藥治真靈性虛空曰內  
穩鋪排金剛杵擣成精瑩摩訶般若蜜多和  
鍊熟後搓為錠大悲千手丸來正太陽火  
烹炮定堪宜下使用黃芽八瓊水共煎清淨  
從茲服了得長生便永永成功行

燭影搖紅

燭影搖紅暗垂珠泪如言語無情本不起斯  
因轉使余頻悟勸汝何須憂慮已當日終南  
遭遇拂開眸目剔正心神東臨瓊路 占真  
閑水雲遊歷成霞步天涯海畔是前期此處  
堪停住等候明明師父闡玄妙長生門戶彩  
霞光裏現出蓬萊相隨歸去

八聲甘州

處清涼界迥然間別開一家風得閑閑裏  
真甜美味甘露應同洗滌三焦六腑五臟盡

玲瓏流轉無凝滯顛倒皆通  
白氣充腸盈滿助起初本有唯要深窮待時時分朗來往  
識西東恁方知惺惺容貌這般形狀出高穹  
圓成顯放光明照永住晴空

紅芍藥

這王喆知明見菊花堅操便將重陽子為號  
正好相倚靠每常却要綴作詩詞筆無停自  
然來到心香起印出仙經便實通顛倒便實  
通顛倒早得得良因速推推深奧玄玄妙  
妙任窮考又更餐芝草白氣致使上下盈盈

金丹結鍊成珍寶  
恁時節永處長生住十洲  
三島住十洲三島

留客住

但人做限百年七旬難與奪名爭利強恁徒  
勞辛苦金飛玉走催逼老死還被兒孫拖入

枝三

六

土余今省悟捨攀緣愛念一身無慮歸去  
雲水長遊清閑得遇識永知鉛氣滿精牢神  
聚金翁却期黃婆匹配能養嬰兒姪女刀圭  
足數又蓬萊客至上仙留住

酹江月

正陽的祖又純陽師父修持深奧更有真尊  
唯是叔海蟾同居三島弟子重陽侍尊玄妙  
手內擎芝草歸依至理就中偏許通耗至  
今自在逍遙金丹傳得一點靈明好皆出幽  
微俱助正本有清虛顛倒復住晴空還居杳  
邈此事成須到將來去後恁時公等知道  
本初面目稟三光精秀分來團聚得得成形  
唯曰在應占逍遙門戶一箇靈明因何墮落  
撲入凡胎處輪迴販骨幾時休歇停住搜  
獲虛幻身軀榮華富貴莫也非堅固頓悟如



如緣合後深謝真師垂顧秘訣親傳依從做  
徹達了憑遭遇雲朋霞友並歸蓬島瓊路

### 摸魚兒

嘆骷髏卧斯荒野伶仃白骨瀟洒不知何處  
遊蕩子難辨女男真假拋棄也是前世無修

技三

七

只放猿兒傻今生墮下被風吹雨浥日暎更  
遭無緒牧童打 余終待搜問因由還有悲  
傷那得談話口銜泥土沙滿眼堪向此中凋  
謝長曉夜筭論秋冬年代春和夏四時孤寡  
人家小大早悟便休誇俏騁風雅

戚氏

凍雲昌出入繚邈徧舒張直上玄凝滿空濃  
密現嘉祥六花妥瑤芳輕飛緩舞恣飄颺須  
更漸漸俱縞物物因跡盡均粧選甚高下那  
拘遙迥一同不辨偏傍更新鮮潔靜添素加  
彩增至輝煌唯覩晃瀆無方應是瑞氣接引  
在中央成佳致自然盈尺歲稔時康 顯青  
蒼間點碧漢雲歸片段日放晶陽任溶任聚  
正是流酥獨許仙客堪嘗淡味偏能好渾如  
這玉液與瓊漿細想雖無馥郁便深宜寂暗

藏香別生景趣盈盈再騰妙妙靜裏開真相  
復作冰為寶玲瓏狀風剪剪聲韻璫璫夜靜  
來轉覺嚴涼運星斗皓月豈尋常最相當處  
明明瑩徹返照交光

拋毬樂

此來么化塵世搜獲藏善忽長天嘉氣瑞瑞  
雲浪滔滔暫然敷徧聚靉靆濃結成雲淅淅  
瀝文橫飛霰廣布列列嚴凝凜凜寒威拋擲  
真堪羨似玉英瑤萼瓊花璧屑也知都被風  
刀細剪撒迥遙輕舞任他頽形如鋪練最均

平同色寧辨 上高下低深淺正比賢聖慈  
悲盡施救普與行方便奈晴空開日曜返照  
消殘舊面又還復故元醜般般皆見福薄分  
微重業目迢遮了重重現勸汝懣急急捨彼  
就斯迴頭總願修持煅鍊功行兩雙全誠遠  
勝六出時間顯麼則好歸十洲清選

技三

八

沁園春

自問從初少年如何每每所為好細尋重想  
當時做作恐違天地或昧神祇及至如今恁  
貌顏將毫限盡臨頭著甚醫還知否有聖賢

三教莫也堪隨 圓中認這慈悲更長熟名  
香寢見知把淨清靈密耀明顯一齊速鍊下  
手修持口印金科心傳玉訣舊業除消誠未  
遲搜前路得歸依玄妙證道無疑

王喆惟名自稱知明端正不羈更復呼佳號  
重陽子做真清真淨相從相隨每銳仙經長  
燒心炷水火功夫依次為堪歸一處圓然雅  
致有得無遺 偏宜用坎迎離聚珍寶成丹  
轉最奇結玉花瓊藥光室透頂碧虛空外捧  
出靈芝定作雲朋決成霞友自在逍遙詩與

詞盈盈處引青鸞彩鳳謹禮吾師

玉蝴蝶

捉住玉山赤鳳神舟同泛激浪漂浮便使烏  
龜開口顯出嘉謨吸洪濤枯乾北海吐巨波  
澆溉西湖自舒敷水紋花面皆是金鋪光

枝三

九

珠盈盈照耀恰如明月晃晃方隅普徧騰輝  
盡成霞彩看環紆見圓珠深深漸現結寶丹  
空外超躡得瓊途大羅天上永永惺甦

南鄉子

好紙造成爲占得風來便有緣放出空中雲

外路無邊休戀椿兒用線牽  
端正莫教偏  
仰面人人指點賢從此逍遙真自在如然斷  
却絲麻出世纏

永遇樂 抽文契

失笑王三元當幼小典了身體直至如今四  
十八上方是尋歸計獨擔辛苦為誰歡樂決  
要檢抽文契這工錢不曾取過從前並無縮  
繫 銳然走出没人拘管欣許深根固蒂水  
畔雲邊風前月下占得真嘉致惺惺了了玲  
瓏清爽復入爛銀霞際一團兒紅炎炎就中

妙細

正好回頭堪當下  
手搜尋密妙此箇圓成無  
教沈溺須是令分曉  
火坑休認凡籠莫入兩  
事銳然先跳惺來後  
羸取三光時時頂戴長  
照靈明一點常隨五彩  
九轉便通關要透  
出崑崙瑩傳清淨  
朗聽金雞叫月華輝耀星  
生盈滿此處玉花香裊得  
玄玄玄裏真宗這  
翻了了

水龍吟

若脩仙子圓成永真誠  
做他上士明明了了



惺惺灑灑搜尋妙旨決烈回頭是自不肯拖  
泥帶水便斬釘截鐵塵緣悉屏無罣礙做清  
泚得長生久視更盈盈行功齊至頻頻囑  
付一靈耀金光早起五彩同如此相扶助入  
丹霄裏有青童接引前來迎迓執瓊瑤藥

枝三

+

### 川撥棹

酆都路定置箇凌遲所便安排了鐵牀鑊湯  
刀山劒樹造惡人有緣覷造惡人有緣覷  
鬼使勾名挂黑簿沒推辭與他去早掉下這  
屍骸不藉這女兒與女地獄中長受苦地獄中

長受苦

蓬萊路顯自在逍遙所現長生景瓊花玉葉  
金枝寶樹作善人得觀觀作善人得觀觀  
童子青衣掌仙簿行功成上昇去結就一粒  
金丹深謝嬰兒姍女永不遭三界苦永不遭  
三界苦

調笑令

調笑說玄妙姍女嬰兒舞跳青龍白虎搖交  
叫赤鳳烏龜鑪繞慕然鼎永召性命從茲了

了山峭日光照碧漢盈盈圓月耀森羅萬

象長圍罩一道清風裊裊真靈空外天皇詔  
住在蓬萊關要

晝夜樂

便把戶門安鎖鑰內中更蘊竒畧安爐竈煨  
鍊金精養元神修完丹藥一粒圓成光灼灼

枝三

十一

虛空外往來盤礴五彩總扶持也無施無作  
冥冥杳杳非投託占盈盈赴盟約蓬萊路永  
結前期定長春瑤英瓊萼等接清涼光徧爍  
放馨香自然霞作裏面禮明師現真歡真樂

又鍾公云鏡能照他人不能照自

百鍊青銅圓又小平平正吐靈耀向人前相  
對相觀別辨容顏分曉好醜妍并老少塵  
凡一齊勘校彼此假中來怎生通內貌別  
有輝輝親密要煥心鏡主玄妙偏能會顯古  
騰今又能鑑從前虛矯艷艷光輝宜自効把  
當初性珠返照裏面得全真永明明了了

瑤臺月 遠終南山

攜雲放肆投閑路清風明月長載迴光返照  
瑩徹澄波青黛髻裏遠望嘉山靜至收歸  
寧海前生約今生在遇明了便明對相愛熙

然景致頤然聚會 這箇密妙堪賽內外須  
常常頂戴香煙起盤裊盡成雲蓋每從依仙  
伴同遊定處看霞軒神憑三曜通三昧論交  
友交泰無礙靈明一點逍遙自在

修行便要尋捷徑心中長是清淨搜摧妙理  
認取元初瞻聽四象內只用澄鮮湛湛源流  
端正探深奧觀遙迥戴三曜依三聖功併仍  
兼行滿俱憑悟省 玉潤金銳光瑩吐彩艷  
重重永定靈明現圓相一團紅映向虛空冥  
香騰輝在物外悠悠能整從來性本來命歸

雲路出山頂堪慶蓬萊島遣青謹請

滿庭芳 劉公問貴賤

今世豐華此生貧窘筭來總是前緣榮枯好  
醜無黨亦無偏只在靈明布種唯招召善惡  
相傳花開謝開為福地謝是禍心田 英賢

枝三

十二

如速省時臻命至減勢藏權若能還使盡却  
復如然好把根源取正休著染也莫攷煎推  
真妙不論貴賤便是大羅天

又劉公索賢

智慧皆全癡頑總至兩般自是殊方一能明

哲一箇性迷荒盡是靈中分定各分別此理  
昭彰還知否上人九竅下沒膏肓彷徨思這  
事暗中積行便得賢良 稍胡為做作愚戇  
來匡奉勸諸公速悟行平等永永清涼真誠  
顯唯邀本有前路赴仙鄉

又於京兆府學正來彥中處覓墨

毛穎歸余楮生從我陶泓三事竒瑰陳玄不  
止尚未得相陪日夜搜神定思在何處多隱  
文才誰堪訪高明上士唯有彥中來 渾材  
如見慧便教磨出雲浪恢恢書靈符寶篆救

苦消災願使家家奉道人  
人悟總免輪迴成  
功行前程路穩同去宴蓬萊

又未欲脫家

未欲修持先通吉善  
在家作福堪當晨叅夜  
禮長是熟名香漸漸財踈色減看分寸營養

技三

十三

爺娘擒猿馬古來一向柔弱勝剛強  
從長凡百事先人後已勤認災涼與六親和睦朋  
友圓方宗祖靈祠祭饗頻行孝以序思量逢  
佳節懽欣訪飲齊齊唱滿庭芳

又欲脫家



既欲修行終全閒謚出離塵俗相當莫憑外  
坐朝暮起心香須是損妻捨事違鄉土趁却  
兒娘常歸一民安國富戰勝又兵強長長  
瀟灑做搜尋玄妙認取清涼又憑空渺邈大  
道無方只在圓光自照明來後堪用衡量重  
陽子迎霜金菊獨許滿庭芳

又修行

陰盡陽純命停性住先須汞識鉛知白堅黑  
固土馬木牛隨卯酉常從子午申庚聚用坎  
迎離刀圭至震龍兌虎赤鳳闢烏龜堪宜

真水火癸丁鑪竈丹結何疑漱瓊漿玉液神  
水華池滋潤靈芽瑞雪日雞叫月兔推移金  
翁喜黃婆立便養姪女嬰兒

又文登張公邵公要起玉花社

王嘉身留玉花社舉此因都為張侯迤而邵  
氏庵舍不能修後悔人人猛悟兔兒起拋甚  
甄毬還知否斷絃無續覆水定難收休休各  
處分我雖眷戀誠沒回頭願諸公心內念憶  
同流別意離棕已動金蓮子光滿西州當歸  
去文勝景不復再重遊

西江月

養甲爭如養性修身爭似修心從來作做到  
如今每日勞勞圖甚好把幽微搜索便將  
玄理思尋交君稍悟水中金不肯荒郊做恁

憶王孫

共三

十四

人云口是禍之門我道舌為禍本根不語無  
言沒討論度朝昏便是安閑保命存

蘇幕遮

少煩人稀赴會我自無思莫把他人怪廉儉  
溫良身自在莫追陪免得常耽債有錢時

人見愛及至無錢親也全踈待且見世情如  
此態察盡人心暗想除非外

金雞叫警劉公

占得虛空呈俊俏玄中玄妙中絕妙自然五  
彩通靈照一顆明珠萬道霞光罩 淨淨清  
清泠泠曉曉昏昏默默冥冥窈窈森羅萬象  
輝輝耀月裏蟾鳴日裏金雞叫

桃園憶故人

瑠璃枝上瓊花皜蓓藟間成瑪瑙烏玉葉兒  
偏好四件誰能討 靜中認得真家寶艷彩

誠非草草唯有箇人知道共得歸蓬島

重陽全真集卷之三

披三

十五



